

四庫全書

史部

欽定四庫全書

史部

畿輔通志卷三十九

詳校官監察御史_臣劉人睿

檢討_臣德生覆勘

總校官進士_臣繆琪

校對官中書_臣范鏊

謄錄監生_臣王增賢

欽定四庫全書

畿輔通志卷三十九

兵制

馬蘭口鎮

原設叅將一員順治六年改設都司十八年增設副將左右二營康熙元年都司裁

雍正元年副將改設總兵官增設中軍遊擊一員二年將遵化營之大安口鮎魚關改隸又增

設窄道子把總一員屬左營轄將薊州營之黃崖口將軍關改隸又增設楊樹溝把總一員屬

右營轄又石協營之牆子路潘家口之松棚路遵化營之羅文峪俱改隸於此十年復將羅文

峪松棚路二汛歸還薊協原營管轄

鎮守馬蘭鎮總兵官一員

左營

中軍遊擊一員

守備一員

千總三員

把總五員

右營

守備一員

千總一員

把總五員

兩營共馬兵三百名守兵七百名每歲俸餉馬
乾等銀三萬三千六百六十兩三錢二分五釐
六毫八絲本色米四千八百石

窄道子

雍正二年設

把總一員

馬兵五名守兵十五名每歲俸餉馬乾等銀六

百六十四兩二錢本色米九十六石

楊樹溝

雍正二年設

把總一員

馬兵十名守兵三十名每歲俸餉馬乾等銀一千二百六十七兩二錢本色米一百九十二石

鮎魚關

原設守備一員順治六年裁設操守康熙元年改設把總

把總一員

守兵六十七名每歲俸餉馬乾米折等銀一千

一百六兩四錢

大安口

原設都司一員順治六年裁設守備把總各一員十六年俱裁設撫守康熙元年改設把

總

把總一員

馬兵二名守兵二十五名每歲俸餉米折馬乾

等銀五百三十一兩六錢

黃崖口

原設守備一員順治六年裁設撫守康熙元年改設把總

把總一員

馬兵二名守兵五十六名每歲俸餉馬乾米折

等銀一千一十五兩二錢

將軍關

原設守備一員順治六年裁設撫守康熙元年改設把總

把總一員

守兵五十名每歲俸餉馬乾米折等銀八百四

十一兩二錢

牆子路

原設叅將守備各一員順治六年裁改設都司

都司一員

千總一員

把總二員

內一員分汛鎮羅闕康熙元年將孫守改為把總

馬兵三十九名守兵一百五十二名臺兵九十

六名每歲俸餉馬乾米折等銀五千七百一十

八兩一錢五分三釐六毫本色豆一百三十二

石三斗

黃花山

守備一員

千總二員

守兵一百名每歲俸餉馬乾米折等銀一千八

百四十七兩五錢五釐六毫

天津鎮

原轄天津城守及河協通協薊協永協涿州路康熙二十九年將薊協永協抽撥改隸古

北鎮今轄河間通州二協天津城守大沽下慶坻霸州文安大城蒲河樂亭武清九營雍正十年撥武清營歸河標轄

鎮守天津總兵官一員

左營

雍正十二年增設馬兵十八名步戰兵三十一名守兵四十一名

中軍遊擊一員

中軍守備二員

原設一員雍正十二年
四黨口增設守備一員

千總二員

把總四員

馬兵一百四十三名步戰兵三十一名守兵五

百三十一名每歲俸餉馬乾米折等銀一萬五

千六百六兩三錢八分六毫八絲八忽

右營

雍正十二年增
設守兵十五名

遊擊一員

守備一員

千總二員

把總四員

馬兵一百二十六名守兵五百六名每歲俸餉
馬乾米折等銀一萬三千一百九十九兩二錢
五分一釐九毫九絲二忽

天津城守營

都司一員

原駐排極城康熙十七年移駐於此

千總一員

把總二員

守兵四百四十六名每歲俸餉等銀七千三百二兩九錢九分三釐九毫九絲六忽

大沽營

遊擊一員

守備一員

千總一員

把總二員

馬戰兵四十八名守兵三百九十一名每歲俸
餉馬乾米折等銀八千四百四兩四分五釐九

毫九絲六忽

王慶坨營

雍正十二年增設馬兵
七名步戰兵二十八名

都司一員

原設副將一員順治九年裁改
設叅將雍正十年改設都司

千總一員

把總二員

馬兵五十一名步戰兵二十八名守兵三百六十一名每歲俸餉馬乾米折等銀六千八百五十七兩七錢九分三釐九毫九絲六忽

霸州營

遊擊一員

千總一員

把總二員

馬戰兵五十三名守兵二百一十三名每歲俸
餉馬乾米折等銀五千九百五十五兩九錢三
分九釐九毫九絲六忽

文安營

遊擊一員

千總一員

把總二員

馬戰兵五十四名守兵二百一十八名每歲俸

餉馬乾米折等銀六千七十四兩一錢三分
九釐九毫九絲六忽

大城營

守備一員

把總一員

馬戰兵二十一名守兵八十五名每歲俸餉馬
乾米折等銀二千三百七十二兩五錢五釐九
毫九絲六忽

按舊制大城營原屬涿州營轄康熙四十年改歸文安營轄

蒲河口營

都司一員

千總一員

把總二員

原一員其二員一係山海永協左營內撥歸一係南海口防汛

馬兵五十名守兵一百三十名每歲俸餉馬乾銀三千四百一十三兩二錢六分五釐九

毫九絲六忽本色米六百四十八石本色豆三

百三十四石八斗

樂亭營

原守備一員把總一員康熙十六年將劉家墩把總一員改轄於此其千總一員康

熙三十一年由
灤州汛改撥

都司一員

原設守備雍正
十年改設都司

千總一員

把總二員

馬兵四十五名守兵一百三十七名每歲俸餉

馬乾等銀三千九十九兩七錢五釐九毫九絲
六忽本色米六百五十五石二斗二二百九十
七石草一萬九千八百束

按舊制蒲河樂亭營原係山永協轄康熙二
十九年設古北鎮將山永協山海石門燕河建
昌四營分撥改隸留蒲河樂亭仍隸天津鎮

通州協

原設總兵官一員順治七年裁改設副將轄
張灣采育三河玉田豐潤務關寶坻崔黃口

涿州拱極城舊州十一營雍正九年將張灣務
關寶坻改撥河標營今轄采育三河玉田豐潤

崔黃口涿州拱
極城舊州八營

副將一員

左營

雍正十二年增設馬兵
七名守兵二十七名

中軍都司一員

原設守備雍正
十年改設都司

千總一員

把總二員

馬戰兵五十一名守兵一百九十九名每歲俸
餉馬乾等銀五千一百八十六兩二錢六分三

釐九毫九絲二忽米折銀九百兩

右營

雍正十二年增設馬兵
七名守兵二十七名

守備一員

把總二員

馬戰兵五十一名守兵一百九十九名每歲俸

餉馬乾等銀四千六百六兩三錢五釐九毫九

絲六忽米折銀九百兩

采育營

守備一員

把總一員

馬戰兵一十七名守兵六十五名每歲應支俸
餉馬乾等銀一千六百四兩五錢五釐九毫九
絲六忽米折銀二百九十五兩二錢

馬駒汛

原設守備一員康熙二
十三年裁改設千總

千總一員

馬戰兵一十五名守兵五十七名每歲俸餉馬

乾等銀一千三百六兩二錢米折銀二百五十

九兩二錢

三河營

原設守備一員雍正十年改設都司

都司一員

把總二員

馬戰兵五十二名守兵一百五名每歲俸餉

馬乾等銀三千四百七十七兩三錢九分三

釐九毫九絲六忽米折銀五百六十五兩二

錢

玉田營

原設洪山口據守順治十二年移駐玉田康熙元年改設把總二十九年將松棚路都司

移駐於此

都司一員

把總一員

馬戰兵四十二名守兵九十二名每歲俸餉

馬乾等銀二千八百九十四兩一錢九分三

釐九毫九絲六忽米折銀四百八十二兩

四錢

豐臺汛

把總一員

馬戰兵六名守兵二十二名每歲俸餉馬

乾等銀五百四十四兩八錢米折銀一百兩八

錢

澗河汛

把總一員

馬戰兵六名守兵十七名每歲俸餉馬乾等銀四百八十四兩八錢米折銀八十二兩八錢

豐潤營

原設豐玉營駐遵化州康熙十四年移駐於此二十九年改為豐潤營

守備一員

把總一員

馬兵四十四名守兵五十七名每歲俸餉馬乾等銀二千四百九十六兩七錢五釐六毫米折銀三百六十三兩六錢

開平汛

原係守備兼管康熙十四年以三七營把總移駐於此

把總一員

馬兵六名守兵三十二名每歲俸餉馬乾等銀

六百六十四兩八錢米折銀一百三十六兩八

錢

黑羊河汛

原駐太平路康熙十四年移駐於此

把總一員

馬兵四名守兵二十七名每歲俸餉馬乾等銀

五百三十一兩六錢米折銀一百一十一兩六錢

按舊制玉田豐潤二營原係薊協所轄康熙二十九年設古北鎮將薊協抽撥改隸留玉田豐潤改隸通協

崔黃口

守備一員

把總一員

馬兵二十一名守兵八十五名每歲俸餉馬乾
米折等銀二千三百九十一兩五錢八分五釐
六毫

按舊制崔黃口原屬涿州營轄康熙四十年改
隸於此

涿州營

叅將一員

中軍守備一員

千總三員

把總四員

馬戰兵一百一名守兵三百四十一名每歲俸
餉馬乾米折等銀一萬二百三十一兩四分五

釐九毫九絲二忽

拱極營

雍正十二年增改馬兵
十二名守兵四十九名

遊擊一員

原設守備順治十年改設都
司康熙十七年改設遊擊

千總一員

把總二員

馬戰兵七十三名守兵二百二十七名每歲俸
餉馬乾米折等銀六千九百七十八兩三錢三

分九釐九毫九絲六忽

舊州營

原設守備一員順治六年改
設都司駐劄東安縣舊州城

都司一員

千總一員

把總三員

馬戰兵五十七名守兵一百八十五名每歲俸
餉馬乾米折等銀五千二百二十三兩九錢九
分三釐九毫九絲六忽

河間協

原駐正定康熙八年移駐河間其左營轄任
邱高川肅寧交河故城五汛右營轄景州營

阜城
汛

副將一員

左營

雍正十二年增設
守兵三十二名

中軍都司一員

原設守備雍正
十年改設都司

千總二員

把總四員

馬戰兵九十七名守兵四百二十一名每歲俸
餉馬乾米折等銀一萬一千五百七十八兩六
錢五分一釐九毫九絲五忽六微

右營

雍正十二年增設
守兵六十四名

守備一員

千總二員

把總四員

馬戰兵九十七名守兵四百五十三名每歲俸
餉馬乾米折等銀一萬一千四百九十八兩五
錢五釐九毫九絲六忽

任邱汛

千總一員

馬戰兵二十二名守兵八十五名每歲俸餉馬
乾米折等銀二千二百八十三兩六錢

高川汛

把總一員

馬戰兵十一名守兵四十二名每歲俸餉馬乾

米折等銀一千一百五十八兩六錢

肅寧汛

把總一員

馬戰兵十一名守兵四十二名每歲俸餉馬乾

米折等銀一千一百五十八兩六錢

交河汛

把總一員

馬戰兵十一名守兵四十二名每歲俸餉馬乾米折等銀一千一百五十八兩六錢

故城汛

把總一員

馬戰兵十名守兵三十九名每歲俸餉馬乾米折等銀一千七十一兩六錢

阜城汛

雍正十二年裁馬兵四名守兵一十九名

千總一員

馬戰兵一十三名守兵五十七名每歲俸餉馬

乾米折等銀一千四百八十五兩

景州營

原設景州汛把總一員雍正十二年改為景州營增設守備一員馬兵四名守兵三十八

名

守備一員

把總一員

馬戰兵二十三名守兵九十七名每歲俸餉馬
乾米折等銀二千六百四十兩一錢五釐九毫
九絲六忽

按舊制河間城搦原營設守備一員把總一員

雍正十二年景州汛改為景州營增設守備將
河間營守備把總全裁

正定營

原設總兵官一員康熙二十七年裁改設遊
擊三十二年改設副將雍正元年仍設總兵

官增設左右二營復設龍固營將大名協仍舊
改隸轄龍固營龍泉關倒馬關插箭嶺茨溝營

忠順營王家坪
八營并大名協

鎮守正定總兵官一員

左營

中軍遊擊一員

中軍守備一員

千總三員

原設二員雍正四年增設一員

把總四員

馬戰兵二百三十五名守兵六百六十三名每

歲俸餉馬乾米折等銀二萬一千三百九十四兩七錢八分七釐一毫四絲八忽

右營

遊擊一員

守備一員

駐劄
深州

千總二員

把總四員

馬戰兵二百三十五名守兵六百五十二名每

歲俸餉馬乾米折等銀二萬四百五十七兩四錢四分五釐五毫九絲六忽

正定城守龍固營

原設龍固營康熙二十年裁雍正四年復設

都司一員

原設守備雍正十年改設都司

把總二員

馬戰兵五十名守兵二百五十名每歲俸餉馬乾米折等銀六千二百一十五兩五錢五釐六毫

固關營

原設守備把總各一員康熙三十七年增設
叅將原設守備改為中軍守備并增千總把

總各一員雍正十二年增設馬兵
一十五名大糧步兵五十八名

叅將一員

中軍守備一員

千總一員

把總一員

娘子關把總一員

馬戰兵一百十二名守兵二百三十八名每歲

俸餉馬乾米折等銀八千六百八十六兩九分

九釐二毫

龍泉關

原設叅將一員康熙三十二年移駐紫荆關將正定營遊擊移駐於此原設守備調正定

協右營

遊擊一員

左哨把總一員

右哨把總一員

馬戰兵三百七十七名守兵三百三名每歲俸

餉馬乾米折等銀八千一百三十兩九錢三分

九釐九毫六絲

倒馬關

原設副將一員守備三員
順治十年裁改設都司

都司一員

千總一員

把總二員

馬戰兵四十名守兵三百一十六名每歲俸餉

馬乾米折等銀六千八百四兩九錢九分三釐

六毫

插箭嶺

守備一員

把總一員

馬戰兵一十九名守兵一百一十三名每歲俸

餉馬乾米折等銀二千六百六十八兩九錢五

釐六毫

茨溝營

守備一員

馬戰兵二十五名守兵一百八名每歲俸餉馬
乾米折等銀二千八百三十兩九錢五釐六毫
按舊制固關龍泉關倒馬關插箭嶺茨溝營原
係紫荊關轄康熙二十七年改隸巡撫雍正二
年改歸正定鎮

王家坪營

康熙三十
七年設

都司一員

原設守備雍正
十年改設都司

千總一員

把總二員

馬戰兵四十名守兵四百三十二名每歲俸餉
馬乾米折等銀八千五百七十八兩五錢九分

三釐六毫

定州忠順營

原設守備一員雍正十年改設都司

都司一員

把總二員

馬戰兵九十二名守兵二百三十四名每歲俸
餉馬乾米折等銀七千六百六十二兩九錢九
分三釐六毫

按舊制原屬正定鎮轄康熙二十七年改屬河
間協雍正二年仍歸正定鎮

大名協

原屬正定總兵轄康熙二十七年改隸巡撫雍正四年復設正定總兵官仍改歸正

定鎮

副將一員

原設總督標員康熙八年裁改設副將

左營

中軍都司一員

原設守備雍正十年改設都司

千總一員

原設千總二員雍正十二年改駐臨洺關千總一員

把總四員

馬兵八十名守兵三百六十二名每歲俸餉馬

乾米折等銀九千九百二十六兩八錢五分一

釐七毫二絲

右營

雍正五年改磁州營歸入十二年增設馬兵二名步兵八名

磁州營都司一員

原係守備雍正十年改設都司

千總一員

左哨千總一員

右哨千總一員

把總一員

原防滑濟內黃三縣把總各一員雍正四年改隸河南省

馬兵九十二名步兵八名守兵三百六十三名

每歲俸餉馬乾米折等銀九千八百六十九兩

七錢九分三釐九毫六絲

按磁州舊隸河南雍正四年改歸直隸將千總一員撥入廣平營仍防磁州五年改為磁州營屬大名協併入協標右營

順德營

雍正十二年增設馬兵三十名步兵一百二十名

遊擊一員

原設守備一員雍正十二年改設遊擊

千總二員

原設一員雍正十二年增設一員

把總二員

馬兵一百二十六名步兵一百二十名守兵三

百一十六名每歲俸餉馬乾米折等銀一萬三千一百一十二兩一錢三分九釐九毫九絲六忽

廣平營

雍正十二年增設馬兵三十六名步兵一百四十四名

遊擊一員

原設守備一員雍正十年改設都司十二年改設遊擊

千總三員

原設一員雍正十二年增設二員

把總二員

馬兵一百九名步兵一百四十四名守兵二百

三十四名每歲俸餉馬乾米折等銀一萬一千七百一十五兩九錢三分九釐九毫九絲六

忽

杜勝營

雍正十二年增設馬兵二十名步兵八十名

都司一員

原設守備一員雍正十年改設都司

千總一員

雍正十二年增設

把總二員

馬兵七十九名步兵八十名守兵一百六十九

名每歲俸餉馬乾米折等銀七千九百二兩三

錢九分三釐六毫

開州營

雍正十二年新設

守備一員

把總一員

馬兵十三名步兵五十二名每歲俸餉馬乾米折等銀一千七百七十二兩五錢五釐九毫九絲六忽

宣化鎮

轄張家口協蔚州路獨石路龍門路懷來路永寧路五營原昌平營石匣營亦歸管轄康

熙二十九年
改屬古北鎮

鎮守宣化總兵官一員

中營

原設左右二營雍正十年增設中營十二年裁馬兵八十名步兵一百十名舊守兵十名

遊擊一員

守備一員

千總二員

原設左營一員雍正十年增設一員

把總四員

原設左營二員雍正十年增設二員

新舊馬戰兵二百五十名步兵二百四名守

兵三百四十六名每歲俸餉馬乾米折等銀二

萬四百二十兩三錢二釐八毫米一千六百七

十七石六斗

左營

雍正十二年裁新增馬兵八十名步兵一百十名舊守兵十名

遊擊一員

雍正十年增設

守備一員

雍正十年增設

千總二員

雍正十年增設

把總四員

雍正十年增設

新舊馬戰兵二百四十九名步兵二百四名守
兵三百四十七名每歲俸餉馬乾米折等銀一
萬九千七百二十三兩六錢四分五釐二毫米
一千六百八十一石二斗

右營

雍正十二年裁新增馬兵八十
名步兵一百十名舊守兵十名

遊擊一員

守備一員

千總二員

原設一員雍正十年增設一員

把總四員

原設二員雍正十年增設二員

新舊馬戰兵二百四十九名步兵二百四名守

兵三百四十七名每歲俸餉馬乾米折等銀一

萬九千七百二十三兩六錢四分五釐二毫米

一千六百八十一石二斗

深井堡

原設守備一員康熙三十二年調萬全營

把總一員

馬戰兵六名守兵五十名每歲俸餉馬乾等銀
八百六十六兩四錢米二百一石六斗

雞鳴驛

把總一員

馬戰兵六名守兵二十五名每歲俸餉馬乾等
銀五百六十六兩四錢米一百一十一石六
斗

張家口協

康熙二十九年增設轄張家口路萬全營
膳房堡新河口萬全左衛柴溝堡洗馬林

堡西陽河堡懷安城九營雍正十二年將張家口路改歸中營今轄八營

副將一員

中營

原設左右二營雍正十二年將張家路歸入增設中營改設遊擊一員增設千總二員把總三

員裁新增馬兵二十五名步兵三十八名增馬兵四名步兵六名

遊擊一員

原設叅將雍正十二年改設遊擊

中軍守備一員

千總二員

雍正十二年增設

把總四員

原設一員雍正十二年增設三員

新舊馬戰兵一百三十五名步兵一百四十八
名守兵一百六十五名臺兵二十二名每歲俸
餉馬乾米折等銀一萬二千六百八十九兩九
錢二釐八毫米八百二石八斗

左營

原設遊擊一員守備二員千總四員把總七員
雍正四年撥千把各一員張家口同知轄十年
遊擊改設都司十二年裁都司及千總二員
把總四員裁新增馬兵四十名步兵六十名

守備二員

千總一員

把總二員

新舊馬戰兵一百五十二名步兵二百五十四名守兵九十四名每歲俸餉馬乾米折等銀一萬二千四百四兩六錢一分一釐二毫米一千

八百石

右營

原設遊擊一員守備二員千總四員把總七員雍正十年遊擊改設都司十二年裁都司及守備一員千總三員把總五員裁新增馬兵四十名步兵六十名

守備一員

千總一員

把總二員

新舊馬戰兵一百六十六名步兵二百四十名

守兵九十四名每歲俸餉馬乾米折等銀一萬
二千二百七十兩七錢五釐六毫米一千八百

石

張家口理事同知所轄

雍正十二年增設馬兵二十名

千總一員

把總一員

俱雍正四年
左營撥轄

新舊馬兵四十名每歲俸餉馬乾銀一千五百

九十一兩二錢米七十二石

萬全營

原設萬全城守叅將一員順治三年裁六年
設右衛守備一員康熙二十六年裁三十二
年復設萬全營守備雍正十二年
裁馬兵三十五名步兵五十四名

守備一員

新舊馬戰兵二十九名步兵一十八名守兵七
十五名臺兵一十八名每歲俸餉馬乾米折等

銀二千八百二兩七錢五釐六毫米三百九十

二石四斗

萬全左衛

雍正十二年增設馬兵
十二名步兵十八名

守備一員

把總一員

新舊馬戰兵三十二名步兵十八名守兵七十

名每歲俸餉馬乾米折等銀二千六百八十五

兩一錢五釐六毫米三百二十四石

膳房堡

雍正十二年增設東馬營一撥馬兵四名步兵十六名裁馬兵三十二名步兵四十

名八

守備一員

新舊馬戰兵三十四名步兵四十名守兵七十五名臺兵二十一名每歲俸餉馬乾米折等銀三千六百四十五兩一錢五釐六毫米三百九十六石

新河口堡

雍正十二年裁馬兵三十二名步兵四十八名

守備一員

新舊馬戰兵二十三名步兵一十二名守兵七十四名臺兵一十四名每歲俸餉馬乾米折等銀二千三百五十兩三錢五釐六毫米三百七十石八斗

洗馬林堡

雍正十二年裁馬兵二十八名步兵四十二名

守備一員

新舊馬戰兵二十四名步兵六名守兵七十六

名臺兵二十六名每歲俸餉馬乾米折等銀二

千三百七十三兩一錢五釐六毫米四百三十

九石二斗

柴溝營

原設叅將一員順治九年裁雍正十年復設十二年裁叅將一員守備改設都司裁馬兵

四十二名步兵六十六名

都司一員

把總一員

雍正十年增設

新舊馬戰兵五十三名步兵五十四名守兵七

十三名臺兵二十名每歲俸餉馬乾米折等銀
四千八百二十九兩七錢九分三釐六毫米三
百八十八石八斗

西陽河堡

雍正十二年裁新增馬兵
十八名步兵二十八名

守備一員

新舊馬戰兵二十八名步兵二十名守兵七十
五名臺兵二十七名每歲俸餉馬乾米折等銀
二千九百三十四兩七錢五釐六毫米四百一

十七石六斗

懷安城

原設守備一員雍正十年改設都司十二年增設馬兵十六名步兵二十四名

都司一員

把總一員

新舊馬戰兵三十六名步兵二十四名守兵七十名每歲俸餉馬乾銀三千五十四兩九錢九分三釐六毫米三百二十四石

蔚州路

原駐西城順治十年移駐蔚縣縣轄西城東城廣昌城三營雍正六年將廣昌營改歸山西

省轄東城西城桃花堡黑石嶺十二年
增設馬兵三十六名步兵五十四名

叅將一員

守備一員

把總一員

新舊馬戰兵六十八名步兵五十四名守兵一
百一十八名每歲俸餉馬乾銀五千九百二十
三兩六錢四分五釐二毫米五百四十石

東城

原設東西城把總二員康熙三十二年俱裁
雍正十二年增設馬兵二十四名步兵三十

六名

守備一員

新舊馬戰兵二十九名步兵三十六名守兵三十五名每歲俸餉馬乾銀二千六百四十三兩一錢五釐六毫米一百四十四石

西城

原設守備一員雍正十年改設都司十二年增馬兵二十三名步兵三十五名

都司一員

新舊馬戰兵三十一名步兵三十六名守兵三

十四名每歲俸餉馬乾等銀二千七百二十兩
一錢九分三釐六毫米一百五十一石二斗

桃花堡

把總一員

守兵二十四名每歲俸餉銀三百四十五兩六
錢米八十六石四斗

黑石嶺

把總一員

守兵二十八名每歲俸餉銀三百九十三兩六

錢米一百石八斗

獨石口

原設叅將一員雍正十年改設副將轄雲州
堡赤城堡鎮安堡龍門所滴水崖五營十二

年十二撥共增設馬兵二
十四名步兵三十六名

副將一員

中軍都司一員

雍正十年增設

守備一員

千總二員

雍正十年增設

援兵營把總一員

把總三員

雍正十年增設

新舊馬戰兵二百二十名步兵二百七十六名
守兵一百三十九名臺兵二十七名每歲俸餉
馬乾米折等銀一萬九千一百二十三兩一錢
五分六釐八毫米七百二十七石二斗

雲州堡

原設把總一員康熙三十二年裁

守備一員

馬戰兵一十三名守兵五十五名每歲俸餉馬

乾銀一千二百四十六兩三錢五釐六毫米二

百四十四石八斗

赤城堡

原設守備一員雍正十年改設都司

都司一員

把總一員

馬戰兵一十三名守兵五十五名每歲俸餉馬

乾銀一千三百五十四兩五錢九分三釐六毫

米二百四十四石八斗

鎮安堡

守備一員

馬戰兵一十七名守兵七十六名臺兵三十名
每歲俸餉馬乾銀一千九百九十七兩五錢五
釐六毫米四百四十二石八斗

龍門所

原設叅將一員順治九年裁轄鎮寧堡

守備一員

馬戰兵一十七名守兵七十五名臺兵四十名
每歲俸餉馬乾銀二千一百五兩五錢五釐六
毫米四百七十五石二斗

鎮寧堡

把總一員

新增馬兵二十名步兵三十名舊守兵二十四
名臺兵十名每歲俸餉馬乾米折等銀二千四
十一兩六錢米一百二十二石四斗

滴水崖

原設守備一員雍正十年改設都司轄馬營松樹君子三堡

都司一員

馬戰兵一十八名守兵七十三名臺兵二十五名每歲俸餉馬乾銀一千九百八十六兩九錢九分三釐六毫米四百一十七石六斗

馬營堡

千總一員

雍正十年增設

馬戰兵二十三名步兵三十五名舊守兵二十

二名每歲俸餉馬乾銀二千一百八十二兩八錢米七十九石二斗

松樹堡

千總一員

雍正十年增設

新增馬兵二十二名步兵三十三名舊臺兵十三名每歲俸餉馬乾米折等銀一千九百八十一兩二錢米四十六石八斗

君子堡

把總一員

雍正十年增設

新增馬兵十五名步兵二十二名舊臺兵十三名每歲俸餉馬乾米折等銀一千三百九十六兩八錢米四十六石八斗

獨石口理事同知所轄

雍正十二年增設

千總一員

把總一員

新增馬兵四十名每歲俸餉馬乾米折等銀一

千六百六十三兩二錢

龍門路

原設葛峪堡參將一員順治十三年改設都司移駐於此雍正十年改設遊擊十二年復

裁遊擊改設都司增設馬兵八名步兵十二名裁馬兵七十三名步兵一百九名

都司一員

守備一員

把總一員

新舊馬戰兵四十八名步兵二十三名守兵一

百三十二名臺兵一十七名每歲俸餉馬乾米

折等銀四千五百二十三兩二錢九分九釐二毫米六百五十五石二斗

葛峪堡

轄趙川堡鵬鶚堡雍正十二年裁馬兵三十六名步兵五十四名

守備一員

新舊馬戰兵二十六名步兵一十二名守兵七十名臺兵二十九名每歲俸餉馬乾米折等銀二千五百八十六兩七錢五釐六毫米四百二十一石二斗

趙川堡

雍正十二年裁馬兵三十九名步兵五十九名

千總一員

原設把總一員雍正十年改設守備十二年改設千總

新增馬兵九名步兵十三名舊守兵二十名臺兵十八名每歲俸餉馬乾米折等銀一千二百三十兩米一百三十六石八斗

鵬鶚堡

把總一員

守兵二十名每歲俸餉馬乾銀二百九十七兩

六錢米七十二石

長安嶺

雍正十二年增設馬兵八名步兵十三名

都司一員

原設守備雍正十年改設都司

把總一員

康熙三十二年裁雍正十二年復設

新舊馬戰兵二十名步兵十三名守兵六十七名每歲俸餉馬乾銀二千一百二十九兩七錢九分三釐六毫米二百八十四石四斗

懷來路

轄礮山堡懷來城土木堡

都司一員

原設參將雍正十二年改設都司

中軍守備一員

把總一員

馬戰兵三十九名守兵一百五十九名每歲俸
餉馬乾銀三千五百七兩三錢九分三釐六毫
米七百一十二石八斗

礮山堡

守備一員

馬戰兵一十六名守兵七十一名每歲俸餉馬
乾銀一千五百四十二兩七錢五釐六毫米三
百一十三石二斗

懷來城

原設守備一員雍正十年改
設都司十二年復改設守備

守備一員

馬戰兵二十名守兵七十六名每歲俸餉馬乾
銀一千七百四十一兩九錢五釐六毫米三百
四十五石六斗

土木堡

把總一員

馬戰兵十二名守兵二十八名每歲俸餉馬乾銀八百一十一兩二錢米一百四十四石

保安州

把總一員

馬戰兵四名守兵一十六名每歲俸餉馬乾銀三百八十八兩八錢米七十二石

永寧路

原設參將一員順治六年裁設守備一員八年增設都司一員轄周四溝堡四海冶堡靖

安堡榆林堡雍正十二年增設馬兵二十四名步兵三十七名

都司一員

守備二員

原設一員雍正十二年增設一員

千總一員

雍正十二年增設

把總一員

新舊馬戰兵六十九名步兵三十七名守兵一

百七十二名每歲俸餉馬乾銀六千一百五十

二兩四錢四釐八毫米七百八十一石二斗

周四溝堡

守備一員

馬戰兵一十八名守兵六十八名臺兵三十名
每歲俸餉馬乾銀一千九百三十六兩三錢五
釐六毫米四百一十七石六斗

四海冶堡

守備一員

馬戰兵一十六名守兵六十九名臺兵二十四名每歲俸餉馬乾銀一千八百六兩七錢五釐六毫米三百九十二石四斗

靖安堡

原設守備一員雍正十年改設都司

都司一員

馬戰兵一十六名守兵七十名臺兵一十二名每歲俸餉馬乾銀一千七百二十五兩二

錢九分三釐六毫米三百五十二石八斗

榆林堡

把總一員

馬戰兵六名守兵二十五名每歲俸餉馬乾銀
五百六十六兩四錢米一百一十一石六
斗

延慶州

把總一員

馬戰兵四名守兵一十六名每歲俸餉馬乾銀
三百八十八兩八錢米七十二石

按直隸於古為燕趙漢為漁陽上谷諸郡地史
稱燕趙各帶甲數十萬而漢時漁陽上谷突騎
為天下聞唐置府兵於諸州在今直隸者二十
有八幽州十四呂平涿城德聞潞城樂上清
化洪源良鄉開福政和停驂柘河良杜咸寧
平州一盧龍媯州二密雲白檀薊州二漁陽

臨渠易州九遂城安義修武德行新安古亭
武遂長樂龍水而幽州置大都督府以統之
開元後府兵漸弱而河朔兵猶雄於諸鎮遼
以析津府為南京籍京丁為兵者五十六萬
六千而蕃漢戶丁分隸者不與焉宋置河北
廂軍其騎軍之額自騎射而下十有二步軍
之額自奉化而下二十有六後並改號為崇
勝凡一百一十二指揮而自陶河至泥沽海

口九百里置忠順軍二十六寨其他又有義
勇有強人砦戶有強壯有弓箭社皆河北州
縣之鄉兵也金元以燕都為京師並置武衛
軍其兵之在州府者金則河間正定中山大
名四總管府灤州雄州保州冀州滄州邢州
六節度使清州洺州二防禦使以掌之元則
河北山東蒙古軍都萬戶府掌各路總攝
軍馬之事正定萬戶府領所屬蒙古漢軍

隸於行院明初僉民為軍於北平置都指揮使司大寧置行都指揮使司永樂遷都置在城三十三衛二所以五軍都督府領之罷平北都司以所屬衛所直隸五軍都督府而徙大寧都司於保定又置萬全都司於舊宣德縣後又設薊州宣府二鎮募兵遣將以固邊守以視

本朝於

京師重地禁旅雲屯兼設綠旗官軍司詰奸禁暴而
三輔扼塞皆設官兵駐防鎮戍或同守一城或
分汛備禦內外相維輕重相制軍容之肅遠
邁前代故附載其畧使後有考焉

畿輔通志卷三十九

欽定四庫全書

畿輔通志卷四十

關津

關以阻陸津以通水梯航之所由其大者用以固封
守通琛貢而懋遷往來亦因以利焉

京畿形勝長城以備邊天津以防海關津莫有大焉
者琛貢則萬國之共球所共輯也懋遷則四方之貨
貝所畢至也舊志以關津橋梁附見於山川毋乃輕

其所當重者歟嘗按圖以稽居庸為九塞之一天下之名關也佗若紫荆黃榆龍泉固倒馬獨石鮎魚白馬諸關皆邊防要衝而榛子黃花諸鎮古北張家青山黃崖喜峯大安諸口馬蘭白羊羅文諸峪松棚牆子太平石門諸路皆關之屬也津於北方稍稀濶然桑乾滹沱滏陽恒衛皆天下名川橋梁則津之屬也周之末燕築長城在秦城之前占郡凡五而四在

京畿內易稱王公設險以守其國周官掌固凡國都之
竟有溝樹之固郊亦如之蓋郊竟必有關關與津
恒相依而守政布焉其法特詳於

京畿以為四方之式也雍正三年

皇上新設天津水師以習海戰昨歲復令封疆大臣察修
邊牆增邊兵嚴烽堠然則險要阨塞所在守土諸吏
可無知乎用稽

京畿封內關津咸著於篇俾有考焉

關隘

順天府

天津關 在宛平縣西二百一十五里外通保安州
一百里內至本縣沿河口三十里方輿紀要自縣
而西至易州涑水縣凡十五關口中間大者曰天
津關或云天門口亦云大口

天橋關 在宛平縣西二百二十里外通宣化府
一百八十里內至本縣沿河口四十里又西南

有梨園嶺口洪水口西龍門口交鍋口

大通關 在通州東南張家灣之長店州志明永樂中置巡司於此後裁

居庸關 在昌平州西北二十四里關門南北相距四十里兩山夾峙下有巨澗懸崖峭壁稱為絕險淮南子天下九塞居庸其一也漢書地理志上谷郡居庸有關後漢書更始使者入上谷耿况迎之於居庸關水經注居庸關在上谷沮

陽城東南六十里絕谷累石崇墉峻壁山岫層深側道褊狹林障邃險路僅容軌杜氏通典北齊改居庸為納款關唐十道志居庸亦名薊門關新唐書地理志居庸關亦謂之軍都關宋程大昌北邊備對居庸關太行山最北之第八陁也金史居庸關國名齊喇哈番元史兵志至大四年增置居庸關屯軍防守四十三處立鎮隆萬戶以統之方輿紀要明洪武二年大將軍徐達壘石為

城三年置守禦千戶所永樂二年置衛領千戶所
五以為京師北面之固明職方圖居庸紫荆倒馬
為內三關明志居庸關之南重巒疊障吞奇吐秀
蒼翠可愛為京師八景之一曰居庸疊翠舊志關
南口有城周不及十四里有南北二門

本朝初設叅將駐守後改都司僉書自城而北凡八里
至居庸上關有小城又七里為彈琴峽又七里為
青龍橋道東有小堡又三里為八達嶺接延慶州

界嶺上有城元時以此為居庸北口

古北口關 在密雲縣東北百二十里兩崖壁立中

有路僅通一車下有深澗巨石磊砢凡四十五里
為險絕之道亦曰虎北口新唐志燕樂縣東北八
十五里有東軍古北二守捉五代史梁乾化三年
晉將劉光濬攻劉守光克古北口宋史宣和三年
金人敗遼兵於古北口金史古北口國言曰紐幹
哩元史致和元年托克托穆爾守古北口明邊防考自

黃花鎮而東至古北口凡四十八關口自古北口而西至宣鎮龍門所之萬松溝凡四百餘里舊志古北口有營城周四里有奇雄踞山巔至為險峻明洪武十一年置守禦千戶所三十年改為密雲後衛嘉靖以後設叅將駐守

本朝順治初改為都司康熙年設重鎮

石塘嶺關在密雲縣北五十里有城周二里有奇舊設叅將駐守

本朝改設都司僉書其西北為黃崖口有堡其東為高家莊又東為石佛馮家峪皆有堡又東為白

馬關

白馬關 在密雲縣西北八十里有城設把總戍守其東有陳家峪關又弔馬峪關其西為白馬正關七塞關皆有堡其西北為西駝口其東北為馮家峪接石塘嶺方輿紀要關北七十里為湯河由河而行至石塘嶺可二百里山峻水深稱為

天險

曹家砦關 在密雲縣東北百四十里有城周六里有奇明設叅將駐此

本朝改設守備方輿紀要城西為新營口外三十五里為青沙嶺又北五十四里即小興州其東即古北口其西南為黑峪關

黑峪關 在密雲縣東北百六十里有城設把總戍守其北十四里曰榆樹林東南為吉家莊營又東

曰大安子嶺又東為黃土嶺又東少北為紅門川又東為三岔口自三岔口折而西南為牆子嶺

牆子嶺關 在密雲縣東北七十里 有城周二里有奇 舊設叅將

本朝改設都司 其東為磨刀峪 又東為南峪寨 皆有堡 其東北為大黃崖 又稍北為小黃崖 亦皆有堡 又東北通黑峪關 其南即鎮羅關

鎮羅關 在密雲縣東六十里有二城東為新城西為舊城北去牆子嶺三十里有把總戍守其南為黃門關又東南為北水峪南水峪魚子山皆有堡接薊州之將軍關

岐溝關 在涿州西南三十里唐書天祐十年晉將周德威攻燕岐溝關下之宋史雍熙三年曹彬米信等與契丹將耶律休哥戰於岐溝關方輿紀要關在易州拒馬河之北自關而西至易州六十里

由拒馬河而東至新城縣四十里舊志今為岐溝店市

益津關 在霸州文獻通攷永清縣唐置益津關後入契丹寰宇記周顯德六年收復三關遂於益津關置霸州

將軍關 在薊州西北七十里其西南為黃崖關黃崖關 在薊州北四十里其北三十五里曰尋思峪又北十五里為柞兒峪皆有堡其東為車道

口黃巖峪亦皆有堡又東為寬佃峪關

寬佃峪關 在薊州東北方輿紀要 自黃崖峪以東

至遵化州之馬蘭峪凡十口而寬佃峪最為要

路

黃松峪關 在平谷縣東其東為將軍石關又北為
熊兒峪關皆與密雲縣接界

馬蘭峪關 在遵化州西北七十里 有城在關南十
里

本朝初設副將守此雍正五年以

陵寢重地設總兵官駐兵防護

鮎魚關 在遵化州西北五十里馬蘭峪東又東

為大安口有下營在口南五里

羅文峪關 在遵化州北十八里鮎魚關東南其東
即遷安縣之龍井關

松亭關 在遵化州北遼史自燕之中京每由松亭
趨柳河

沿河口 在宛平縣西二百里其東里許有城守備
駐此外通懷柔縣一百三十里內接王平口九十
里其東即昌平州洪鎮山口也

王平口 在宛平縣西二百二十里中有百花陀四
圍皆山中為平川約數十畝地暖而肥杉漆藥草
俱生焉明弘治中嘗築城於此有巡司

石港口 在宛平縣西一百九十里巡司又西十
里有東龍門口又西即天門關

北塘口

在寶坻縣東南潮河入海之口也有千總

駐守

三岔口

在寶坻縣北十五里即三义口也與薊州

接界

洪鎮山口

在昌平州少北一百六十里有城亦曰

洪鎮山圓城其西接宛平縣之沿河口稍東為唐

虞菴水口又東為唐虞菴小口又東為石卷嶺有

城又東為火口嶺稍折而北為分水嶺其東為牛

臘渚口縻子谷口再東曰石峽峪口有堡舊設守
備駐此後改把總又東北為花家窰口又東為黑
豆峪又東為八達嶺

黃瓜峪口 在昌平州八達嶺東其東為青龍橋口
石佛寺口又東為西水峪口又東為撞道口皆有
堡

頭道關口 在昌平州撞道口東其北五里曰二道
關口其西為鷄子口內有堡

小長峪口

在昌平州二道關東北其北有萬澗口

其東曰大長峪口內有堡再東北為南冶口大榛
峪口驢鞍嶺口磨石水口擦石口內俱有堡再東
即密雲縣之并連口自洪鎮山以下皆州境第一
道邊城

錐石口

在昌平州西北三十二里西接居庸關北

接黃瓜峪為州境第二道邊城

陳友諒口

在昌平州西北四十五里錐石口南其

西亦接居庸關其東為雁門口又東為石城峪水口有堡此為州境第三道邊城

德勝口 在昌平州北二十里又名翠平口其北接雁門口其東為賢莊口

龍嶺口 在昌平州北四十里有把總駐守其西接賢莊口其北為門家口再北即黃花鎮

灰嶺口 在昌平州北舊志自居庸關至黃花鎮凡九十一口而灰嶺極為衝要

升連口 在密雲縣北三十里有堡西北接昌平之

擦石口東北接本縣之石塘嶺其東為河防口迤
北為白道峪白崖莊東水峪西石城驃騎皆有堡
又東為大水峪口神堂峪口與懷柔縣接界

孤山口 在房山縣南五十六里涿易二州分路處
也

范家口 在霸州東南十八里明景泰中置口頭
巡司今廢

莫金口 在霸州南方輿紀要相傳有莫金二姓居

此故名宋時嘗設寨今名口頭村

張青口 在保定縣西凸峙衆流之中舟舶湊集最為繁盛

洪山口 在遵化州東北五十里其西即潘家口為永平府遷安縣界

石門口 在遵化州西五十里即古石門鎮山峽嶄絕壁立其中洞開即灋水所經也後漢書中平五

年公孫瓚討張純戰於石門即此

拱極城 在宛平縣西四十里盧溝橋東明崇禎七年築名曰北拱門二特設叅將控制之

本朝更名拱極城遊擊駐守

張家灣城 在通州南十五里方輿紀要元時萬戶

張瑄督海運至此因名東南槽艘至灣即運入通州為南北水陸要會舊志嘉靖三十一年建城周九百五丈有奇門四又為便門一水關三

州志明永樂中置巡司守備駐防後裁

河西務城 在武清縣東北三十里自元以來為漕

運要途元史食貨志至元二十五年於河西務置
漕運司領接海運事方輿紀要河西務為商民
攢聚舟航輻輳之地明設戶部分司駐焉隆慶六
年築城環之并置巡司於此舊志

本朝廢戶部分司設叅將守備巡司

鞏華城 在昌平州東南二十里其地本名沙河店

明永樂中建行宮於此嘉靖十九年築城環之
周四里門四守備駐守

本朝設北路捕盜同知都司駐此

鎮邊路城 在昌平州西一百里接宛平縣界明正

德十五年築東西跨山周三里門二設守禦千
戶所後又增築城於其西曰新城

本朝順治初設叅將駐守後改都司今舊城廢

渤海所城 在昌平州東北一百里明弘治中置

千戶所萬歷初移駐於墓田峪四年復還舊治

本朝順治初改設黃花路叅將駐守後改都司

白楊城 在昌平州西四十里亦曰白洋口元置白

洋千戶所於此明正德中建城跨南北兩山下當

兩山之衝周三里有奇後又建新城於其西南嘉

靖後設守備駐此

本朝撥把總戍守其東為蘇林口湯峪口又東即居

庸南口也

長峪城 在昌平州西北八十里明正德十五年築
上跨兩山下據西山之衝周一里後又築小城
於其西曰新城設守備駐守今改把總

橫嶺城 在昌平州西北八十里明弘治十八年
築東西跨山南北當兩山之衝周一里有奇
門三舊設守備今改把總

石匣城 在密雲縣東北六十里亦曰石匣營營
西有石如匣因名明弘治十四年築城周四里

有奇其東北十里為腰亭鋪始入山又十里為
新開嶺又十里為王老店又十二里即古北口
本朝特設副將駐守

潮河川營城 在密雲縣東北百里其西有小城

曰潮河川堡其東為龍王峪亦有堡方輿紀要潮
河寬處可一二里狹處僅一二丈設橋則浮沙難
立為塹則漲水易淤若多建石墩列川中錯綜
宛轉令不碍水路誠守禦之良法也舊志潮河

川營為防禦要地

司馬臺營城 在密雲縣東北百二十里潮河川城

又東有吉家營城皆有把總戍守

牛塢堡 在固安縣南四十里與霸州接界久廢今有集往來者以此為中頓又禮讓堡在縣西南四十五里明嘉靖中築久廢今亦有集

墓石峪堡 在昌平州東北百二十里其北又有田仙峪堡賈兒嶺堡又東即密雲縣升連口也

柳各莊堡 在順義縣東又縣東南三十里有祖溝

堡北二十里有牛欄山堡

將軍臺堡 在密雲縣東一百二十里又大蟲峪堡

在縣東北九十里遙橋峪堡在縣東北一百十里

熊兒塞堡在縣東南七十里

泰務堡 在平谷縣東十里又鹿角堡在縣南八里

望馬臺堡在縣東北二十里

沙坡峪堡 在遵化州北二十里其相近有馬蹄谷

堡冷嘴頭堡天心寨堡又白棗峪堡在州東四十
五里八峪堡在州東北六十里千家峪堡在州東
北二十里千家峪之西為羅文峪關八峪堡之西
南即洪山口也

信安鎮 在永清縣東南五十里與霸州接界宋
置信安軍金改為縣元廢為鎮詳古蹟

王慶陀鎮 在武清縣南八十五里舊志其地東
通大海川藪錯綜特設都司駐此

蘆臺鎮 在寶坻縣東南一百四十里即古蘆臺軍
也名勝志蘆臺軍後唐同光中劉守光所置通
鑑梁乾化三年晉周德威拔蘆臺軍元史食貨志
至元九年立蘆臺鹽使司舊志明於此置巡檢司
今裁

黃花鎮 在昌平州北八十里方輿紀要黃花鎮有
城元置千戶所於此昌平山水記黃花鎮城以叅
將一人守備一人守之方輿勝覽黃花鎮以東歷

密雲馬蘭屬於山海謂之東關以西歷居庸紫荆屬於龍泉謂之西關舊志黃花鎮

本朝初廢

宋城鎮

在順義縣東北舊志唐時置戍守處

紅螺鎮

在懷柔縣北十里以在紅螺山口故名

蘇橋鎮

在文安縣北四十里接霸州界方輿紀要

建文初燕王自固安縣渡巨馬河駐師蘇家橋即

此舊志鎮當水陸之衝百貨雲集

勝芳鎮 在文安縣東北七十里有居民萬餘家貿

易時舳舻千計又縣東北有柳河鎮西北二十里
有狼虎廟鎮

子牙鎮 在大城縣東北四十里東去靜海縣四十
五里燕山叢錄大城縣北有子牙堰相傳太公嘗
居此所謂北海之濱是也

上倉店鎮 在薊州南三十里又南三十里有下倉
鎮又州東南有別山店鎮

史家營

在宛平縣西長安遊記從史家營緣石

澗而上巨石巉巖仰視欲墜踰二大嶺路始平

坦

千官營

在良鄉縣東八里又趙家營在縣東南二

十里

韓寨營

在固安縣南方輿紀要即古韓城也今

謂之韓寨營詳古蹟

胡家營

在三河縣北五十里與密雲縣接界

王甫營 在寶坻縣北三十里又侯家營亦在縣北
與薊州接界

高麗營 在昌平州東四十五里接順義縣界又州
東南五十里有沙子營接大興縣界

漕河營 在順義縣東北牛欄山東南舊有城設
兵戍守方輿紀要自營而北即升連口

松棚營 在遵化州東北二十里有都司駐守又
荆木營在州西南四十里馬廂營在州西北二

十里

三屯營

在遵化州東六十里明天順初築城於

忠義中衛三百戶屯因名其東至遷安縣治百

二十里

安禮寨

在宛平縣西亦曰安祖寨宋史垂拱中

宋琪言安祖寨西北有盧師神祠是桑乾出山

之口東及幽州四十餘里方輿紀要安禮寨在

府西南

翠山寨 在昌平州西北三十里疊翠山上舊志由險道盤旋凡五里許始至巨石俯仰宛如屋宇四壁寒流下滴涼氣襲人

石槽寨 在順義縣西北三十里方輿紀要其地有三石槽分東南北三處元致和初上都兵入石槽燕帖木兒遣撒敦掩擊敗之

鹿角寨 在霸州東南六十里方輿紀要宋於霸州置鹿角雁頭等八寨金廢

周河寨 在霸州東九域志信安軍周河寨在軍東
五里又刀魚寨在軍北三步狼城寨在軍東三十
里佛聖渦寨在軍東五十里田家寨在軍東十里
李詳寨在軍東六十里

桃花寨 在保定縣北九域志保定軍桃花寨在
軍北七里縣志桃花寨今稱旋馬亦曰結達相
傳為楊延朗築

雞蘇寨 在薊州西五代史梁開平二年劉守文

與其弟守光戰於雞蘇寨即此

我眉山寨 在密雲縣東北百十里其東即黃松

峪關也

曹各寨 在遵化州西二十二里又侯各寨在州北
十八里東杏花西杏花寨俱在州西北南寨黃梅
寨皆在州南又駙馬寨在州東北

楊村務 在武清縣東南五十里輿程記楊村而東
二十里為桃花口又二十里為丁字沽由楊村而

西北四十里為黃家務又三十里為河西務皆運道所經也方輿紀要宣宗初駕征高煦駐於楊村即此舊志有守備駐防

磁家務 在房山縣北二十里有巡司

長楊店 在良鄉縣東北十里為南北要道

馬頭店 在通州東南故漕縣東舊志明永樂中置

巡司於此

燕郊店

亦曰烟郊

在通州東十里方輿紀要烟郊店

召里店高麗莊大黃莊皆官軍巡哨處也

夏店 在三河縣西三十里舊志明初置泥窪鋪巡司後移此今裁

南店 在三河縣南門外東西約三里舊志東自遼海西至京師居民行客往來咸萃焉

唐家嶺店 在昌平州西南四十里明外史太宗北征疾行則一日而至懷來徐行則次唐家嶺

黃山店 在房山縣北三十里方輿紀要店西六十

里曰大峪口又三十里即涑水縣北之乾河口也

琉璃河集 在良鄉縣西南四十里方輿紀要元延祐四年置巡司於此

渠口集 在香河縣東二十五里舊有土堡今圯
崔黃口集 在武清縣東南六十里舊志有守備駐防

塌山集 在平谷縣東四十里塌山口

齊家莊 在宛平縣西北有巡司

太平莊 在昌平州東南二十五里元史延祐七年
遷紅城屯軍於太平莊屯種

張仙莊 在薊州西南七十里與三河及寶坻縣接
界

黃村 在府南四十里南路捕盜同知駐此

燕丹村 大興縣北二十五里

門頭村 在宛平縣西八里往西山者以村為門

徑故名

范村 在涿州西南宋史宣和四年伐遼辛興宗總
西路兵趨范村

永平府

龍井關 在遷安縣西北一百九十里西接遵化州
界陡峙邊外有城把總駐守

潘家口關 在遷安縣西北一百八十里龍井關之
東有守備駐守其東接喜峰口

喜峰口關 在遷安縣西北一百七十里西南遵化

州七十里其東南五里為喜峰口城周三里關口

有來遠樓可容萬人明時駐兵戍守為薊鎮重地

本朝設章京遊擊駐防謂之喜峰路道里記由喜峰

口東北六十里曰椴木峪關又六十里即松亭關

方輿紀要喜峰口之西南有鐵門關關外有大潭

即喜峰之水源也又循是而西南為小喜峰又

三里曰老子谷下為團亭砦灤水流其間隔灤

水而西為樓子山又南為平山皆與遵化相出入處也

界嶺口關 在撫寧縣北七十里舊築關城有東西月城為戍守要地

本朝設把總駐此明職方圖界嶺口東十五里為十八盤嶺又東三十五里曰牛心山去義院口三十里府志自界嶺口東至義院口凡六口其大者為箭桿嶺

箭桿嶺關 在撫寧縣北方輿紀要箭桿嶺東接

雙岔谷星星谷又東為葦子谷又東歷細谷口

花場谷拿子谷皆有小城為戍守地又東即義
院口

義院口關 在撫寧縣東北舊設守備駐防今改把
總其西南十二里曰石橋谷又南曰石門寨又東
為長營皆有小城戍守又東為水門寺關關迤北
為平頂谷城子谷皆有堡又東接董家口

董家口關 在撫寧縣東七十里關之東曰大毛山

口有城又東為小毛山口又東曰小河口曰大青
山口皆有堡又東即黃土嶺關

黃土嶺關 在撫寧縣東北一百二十里有城舊設
守備今改把總方輿紀要關之西有黃土嶺營
其東南曰西陽谷廟山谷皆有堡又東即一片
石

一片石關 在撫寧縣東七十里有關城城東有

九門水有水分九道而下故名舊有遊擊駐防今
裁方輿紀要自一片石而南曰寺兒峪三道關角
山關旱門關北水關凡五關口其三道關之南二
十里曰山海關

山海關 即山海衛在撫寧縣東一百里南至海
十里東至

盛京錦州府寧遠州界八里古渝關也一名臨榆關
隋書開皇三年城渝關新唐書地理志石城縣

有臨榆關亦名臨閭關五代史幽州北七百里
有渝關東臨海北有兔耳覆舟山山皆陡絕竝
海東北有路狹僅通車其傍地可耕種唐時置
狹石綠疇黃花等戍方輿紀要榆關今名山海
關北倚崇山南臨大海相距不過數里實為險
要舊志山海關明洪武初徐達建十四年兼置
山海衛築城周八里有門四池廣二丈又南翼
城在關南三里北翼城在關北三里盛京通志

山海關有老城西羅城東羅城南新城北新城
五城環繞亦名五花城府志山海衛明洪武中
建關并置衛

本朝因之

按明統志云渝關在撫寧縣東二十里洪武初
魏國公徐達始徙而東去舊關六十里謂之山
海關攷杜氏通典臨渝關在盧龍縣東一百八
十里按其道理即今山海關之地也蓋遼金時

以渝關為腹裏地故址漸堙明初始修復之非
移置創建也其在縣東二十里者乃驛遞之所
取榆關為名耳

桃林口 在盧龍縣北六十里桃林山有堡方輿紀
要桃林口控臨邊塞屹為要鎮邊畧口北十四里
有梳頭崖口之東曰梧桐谷重谷皆有戍守其南
即桃林營

青山口 在遷安縣西北一百二十里舊設營今

為堡有把總駐守其西距喜峰口六十里其東有榆木嶺大嶺爛柴溝皆有堡又東南為城子嶺舊名城子嶺關又東為擦崖子皆有堡把總戍守又東為洪義嶺五重安新開嶺亦皆有堡又東為白羊口

白羊口 在遷安縣北六十里亦曰白陽峪有堡其東為白道子石門子亦皆有堡置戍守又東北為冷口

冷口 在遷安縣東北七十里有關城章京駐防其
東南為河流口又東南為徐流口有營又東即劉
家口

劉家口 在遷安縣東北五十里舊志口東接盧龍
縣之桃林口路出大寧最為襟要明建文初燕王
駐永平自此取大寧

崖兒口 在豐潤縣東北山下又縣西有馬家窩
舊俱設巡檢今裁

寧海城 在撫寧縣東山海關南十里周一里有奇
明時設龍武營於此後亦曰南海口關

石門城 在撫寧縣東北九十里山海關西北四十
里亦曰石門寨有城明設叅將駐守

本朝改都司亦曰石門路

開平城 在豐潤縣東南四十里明萬歷中築以貯
糧

安山堡 在盧龍縣北三十里其相近者曰松崖堡

又府西二十里有安河堡驛道所經也又西十里曰赤峰堡又東五里有雙望堡

李家峪堡 在遷安縣西北一百八十里其西即喜峰口其東即鐵門關也鐵門關亦有堡

佛兒峪堡 在遷安縣東北六十里其東南七里即劉家口也

新店堡 在遷安縣西六十里舊建遞運所於此
今廢

深河堡 在撫寧縣東四十里其北又有平山營

堡

甘泉堡 在撫寧縣東北五十里其東又有溫泉

堡

八里堡 在山海衛東八里關外與錦州府接界

靜安堡 在昌黎縣西南六十里明嘉靖三十一年

置

裴家堡 在昌黎縣東二十里與撫寧接界

佛莊堡 在灤州西南五十里倭城之北

胡家坨堡 在樂亭縣東二十里又黃瓜口堡在

縣東二十五里連北店堡在縣西北十六里與灤

州接界

韓城堡 在豐潤縣東五十里舊志即今韓城鎮

榛子鎮 在灤州西九十里有堡城金史地理志

石城縣有榛子鎮府志明萬歷中移樂亭新橋

巡司於此

新樂鎮 在樂亭縣西北二十五里

燕河營 在盧龍縣東北五十里有城

本朝設燕河路守備駐防

桃林營 在盧龍縣北五十里東去燕河營二十里
其北即桃林口也

劉家營 在盧龍縣西北五十里劉家口南西去遷
安縣建昌營五十里

建昌營 在遷安縣東北四十里有城周四里明

初為東路協守萬歷二十四年移置臺頭營改
建昌為路設叅將及車營都司後裁都司

本朝裁叅將設都司駐守

臺頭營 在撫寧縣北三十里有城舊設臺頭路副
將駐守今改把總又駙馬營在縣北五十里亦有

小城戍守

蒲河營 在撫寧縣南六十里蒲河海口東至戴
家河四十里為海口要衝明時設兵戍守

本朝順治十三年增設都司駐守

牛頭營

在撫寧縣東牛頭崖口明萬厯中置

赤洋營

在昌黎縣東南六十里海口有城周一

里

開平營

在灤州西南九十里即石城廢縣也明初

置開平中屯衛於口北大寧沙嶺後移真定永

樂初復移建於此成化初築城周四里今有把總

戍守

劉家墩營 在樂亭縣南四十里明立海防右翼營於此設遊擊尋改守備

本朝移駐馬頭營仍名劉家墩營

新橋鎮營 在樂亭縣西南三十里金史地理志樂亭有新橋鎮舊志新橋鎮有城周二里元季設新橋巡司明萬歷二十年設新橋營與昌黎之赤洋營撫寧之牛頭崖營為海口三營

馬頭營 在樂亭縣西南三十五里舊名清河口

明永樂時建

盧龍塞 在盧龍縣北後漢紀建安十一年曹操征

烏桓出盧龍塞晉書載記永和十年慕容儁治盧
龍道焚刊木石令通方軌刻石嶺上以紀事功水
經注濡水東南逕盧龍塞道自無終東出渡濡
水向林蘭陁東至清陁盧龍之嶮峻阪紫折故有
九崢之名新唐書懷戎縣東南九十里有盧龍塞
東連碣石西屬太行實天下之險寰宇記盧龍

道亦謂之盧龍塞在盧龍縣西北二百里方輿紀要府西北一百九里有盧龍鎮土色黑山似龍形即古盧龍塞也

新羅寨

在盧龍縣東三十里

太平寨

在遷安縣西北六十里亦曰太平營舊設

太平路叅將今改千總戍守

沙河寨

在撫寧縣東北去石門寨十里

淀河流集

在樂亭縣西北二十三里即古新安

鎮也

保定府

倒馬關 在唐縣西北百里方輿紀要倒馬關即戰國時鴻之塞也史記作鵠之塞亦曰鴻上關漢時謂之常山關後漢書作唐關在中人亭北百里水經注滏水東逕倒馬關關山險隘是為深峭元和志倒馬故關在唐縣西北一百二十里山路險峭馬為之倒故名通鑑註自蔚州廣昌縣東南山南

出倒馬關至中山上曲陽縣關山險隘石徑逶迤
沿途九曲誠控扼要地也關隘攷倒馬關古名
青龍口關有二城上城明洪武初建景泰三年
以上城卑隘於城南三里復築下城南跨橫岡
北臨巨水屯駐官軍成化以來相繼增修屹為
巨鎮舊志明初設巡司防守景泰二年增設守
禦千戶所嘉靖二十九年設倒馬關叅將與居
庸紫荆稱為內三關輿地記關十五里為柳角

安口又北五十里曰插箭嶺即山西廣昌縣界

今改

歸直隸

八渡關

在唐縣西北一名馬溺關晉地道記望都

縣有馬溺關元和志八渡故關在唐縣西北二十

里中山記八渡馬溺是山曲要害之地關勢帶接

寰宇記有水屈曲八度水上置關故名舊志關在

縣西北六十里即橫河口十八渡也明移置軍城

巡司於此

安陽關 在完縣西北晉地道記蒲陰縣有安陽關

元和志安陽故關在北平縣西北二十五里玉海
關塞定之安陽方輿紀要安陽關在完縣西北水
經蒲水經安陽亭即安陽關也

瓦橋關 在雄縣南關外胡三省通鑑註瓦橋古易
京之地在莫州北三十里唐置瓦橋關續通典後
周於瓦橋關地置雄州名勝志瓦橋關今瓦濟橋
沿其名五代周顯德間以雄當九河之衝控扼燕

薊故置此關方輿紀要關在雄縣南

南關 在祁州南接深澤縣界又北關在州北接博野縣界府志兩關俱明天啟五年建

高陽關 在高陽縣東方輿紀要關在縣之三义口社一名草橋關五代周顯德六年建宋屬順安軍與瓦關益津互相聯絡而高陽實為根本控制幽薊戍守特重

岳領口 在唐縣西北一百二十里古恒山口也明

初置巡司於此今廢又中窰谷口在倒馬關西北五十里亦戍守要地

橫河口 在唐縣西北有巡司舊在倒馬關後移置於此以守完縣曲陽之界

水谷口 在完縣西北即金之水谷砦也方輿紀要金人命易水公靖安民戍守水谷等砦即此

鷹捕嶺口 在完縣西北五十里又西南二十里曰五虎嶺口又西十里曰銀山口

百尺口 在東鹿縣南四十里有橋曰百尺口橋舊
設巡司今廢

邊吳淀口 在安州西宋會要邊吳泊西望長城口
尚百餘里皆山阜高仰水不能至契丹每言宋人
安事塘泊吾騎馳突得此路足矣明道末引水開
方田始有險可恃

陘陽店堡 在滿城縣南三十五里又縣西南三十
里有北鋪店堡五十里有方順橋堡俱明嘉靖二

十二年築又置墩臺十二亦設小堡以便守

望

白溝店堡 在新城縣南三十里又高碑店堡在縣西北三十里方官店堡在縣東二十里

周家鋪堡 在唐縣西北一百十里倒馬關東路

明洪武間置巡司今廢又白堡在倒馬關東北

小寨子堡 在慶都縣東南又柳宿堡亦在縣東

陳家堡 在容城縣東北十里

五女堡 在祁州西接定州界亦名五女店

大堡 在深澤縣東二十里接安平縣界又西內堡
在縣西北二十里接定州界

智邱堡 在東鹿縣東南二十五里又水邱堡在縣
西南二十五里

龍化堡 在高陽縣東二十五里舊城之北又惠伯
口堡在縣東五十里利家口堡在縣東南二十五
里進莊堡在縣西二十里俱明嘉靖中築

保安鎮

在府南五十里明萬厯中建

拱辰鎮

在滿城縣西南五十里明萬厯十三年招

撫流移創置今居民甚衆

固城鎮

在定興縣南四十里方輿紀要鎮為宋遼

分界處

河陽鎮

在定興縣南十里有巡司

巨河鎮

在新城縣西南舊有巡司今廢

赤岸鎮

在唐縣北唐書武德六年高開道自易

州而南掠赤岸鎮

軍城鎮 在唐縣西北九十里南去曲陽縣八十里
北至倒馬關六十里金時置鎮明洪武初置巡司
為戍守要地

永安鎮 在博野縣南唐水之陽舊置巡司於此
又鐵燈盞巡司在縣東滋水之陽今俱廢

永豐鎮 在慶都縣東南又來安鎮亦在縣境
新橋鎮 在蠡縣東北六十里

陶家營

在新城縣東二十里有集

干城營

在東鹿縣東南五里又有智勇大理二

營又東有深沛平寇二營又縣有白龍高卜神
炮新興等營又西北有王封雙壘連城威鎮等
營又北有里順和睦石寨師旋山泊等營

郎山寨

在府西北九域志保寨縣有郎山寨金

封移刺衆家奴領之蓋在縣西北取易州郎山
為名

張山寨

在安肅縣西山絕陡峻鳥徑攀援而上

烏雞寨

在安肅縣西四十五里明洪武間有姚氏

兄弟七人皆善武結寨於此

大姑砦

在雄縣東十五里大姑村方輿紀要縣境

有大姑大渦張家木場三橋雙柳紅城新垣八寨皆宋時所置今俱廢為村

王家砦

在新城縣東南十里又馬家砦在縣南

八里舊志即宋政和中所改定平等砦

張登店 在府南五十里道出慶都為往來津要
明嘉靖十三年移方順橋巡司於此

大王店 在安肅縣西南四十里宋火太平興國
四年燕王德昭屯兵於大王店

三甲店 在新城縣北三十五里北至涿州之中道
也又高密店亦在縣北元至治中駐蹕於此

唐涓店 在唐縣西北路通倒馬關

本朝康熙三年設兵防守今移鎮關廟

劉陀店 在博野縣東又縣北有陶墟店明洪武間建舖於此

河間府

完固口 在獻縣西南十八里滹沱河北坼明嘉靖年築堤為備又縣西南有陳家口亦滹沱河口也明建文中燕王常從此渡河擊敗盛庸軍義成堡 在獻縣東舊志唐劉君良瀛州人四世同居人共依之衆築為堡名曰義成

豐樂堡 在肅寧縣東十五里又子由堡在縣南

十二里王村堡在縣西十八里太史堡在縣北

十八里

竇堡 在故城縣北十里相傳竇建德屯兵於此

景和鎮 在河間縣東七里有巡司

淮鎮 在獻縣東四十里金史地理志交河有槐家

鎮方輿紀要土人呼為淮鎮當東西孔道舊志

鎮為滹沱所經南屬獻縣北屬交河明嘉靖二

十年築城今圯

建橋鎮 在阜城縣東三十里

梁召鎮 在任邱縣東三十里又縣東南有羽林堡
鎮北瀚鎮縣南有石門橋鎮司馬莊鎮縣東北有
大務鎮于村鎮

泊頭鎮 在交河縣東五十里衛河西岸有城商賈
環集有管河通判主簿又有泊頭鎮巡司又劉解
鎮在縣北三十五里

宋門鎮 在景州西北三十里有巡司又龍華鎮在
景州西五十里

李宴鎮 在景州東北當胡盧河南岸此為東李
宴口又西李宴口在今深州南皆五代時屯軍
置戍處

廣川鎮 在景州西南三十里隋唐時廣川縣也
又連兒窩鎮在州東北七十里衛河東岸與吳
橋接界又慶豐鎮水波鎮亦俱在州東北

馬頭鎮 在東光縣西三里又下口鎮在縣北二十

里皆濱衛河商旅湊集

鄭家口鎮 在故城縣西南二十五里又四柳樹鎮

一名四女祠鎮在東南十八里接山東恩縣界皆

臨衛河

丞相營 在故城縣東北二十里元伊蘇屯兵之所

安州砦 在寧津縣西北十八里有前後兩砦相傳

為五代初屯兵處又何家砦在縣西四十里東砦

在縣東南十八里

馬村砦 在任邱縣西方輿紀要宋于縣置馬村砦
政和二年改曰定安

馬家砦 在故城縣西北五十里崇岡茂林可以守
禦

麴義壘 在河間縣東北明志漢末袁紹令麴義
攻公孫瓚築此壘

清源柵 在景州西南唐長慶初義武帥陳楚奏

破朱克融清源三柵即此

商家林 在河間縣南三十里南去獻縣亦三十里
行旅必經之地明嘉靖三十年築城今圯

中五店 在寧津縣東北二十五里即宋所置中安
鎮也又包頭店在縣西南二十五里即金時西保
安鎮

半壁店 在東光縣北方輿紀要明正德中官兵敗
流寇於此

參老集

在景州西具相近者曰薛家屯正德中官

軍敗賊處也

馬東園

在任邱縣東南今縣南馬園泊因此而名

天津府

天津關

在府城北門外九河津要舣航所集

掛甲口

在慶雲縣南二十里亦名韓信壘相傳韓

信下齊道經於此

長蘆鎮

在青縣南七十里衛河西岸即古長蘆廢

縣也舊為都轉鹽運使司所駐

磚河鎮 在青縣南九十里衛河西岸河東即滄
州磚河驛又杜林鎮在縣南七十里南接交河
界

范橋鎮 在青縣南又新集鎮在縣南三十里東
臨滹沱又崇仙鎮在縣西南五十里當河間孔
道

合口鎮 在滄州西水經注衡漳水過渤海東會滹

沱別河又東北入清河謂之合口晉書載記後燕慕容楷等將兵會慕容隆於合口通鑑晉隆安二年北魏得河北命拓拔遵鎮渤海之合口金史地理志滄州清池縣有合口鎮

郭橋鎮 在滄州東即古郭疇鎮也

底橋鎮 在南皮縣東南七十里又舊縣鎮在縣東南八十里或以為即晉新樂縣治

海豐鎮 在鹽山縣東北金史地理志鹽山縣有海

豐鎮舊志鎮在縣東北八十里瓦礫如阜綿亘里餘

崔家口鎮 在鹽山縣東南五十里距海豐縣五十里又望樹鎮在縣東南三十里距慶雲縣三十里又縣東有趙毛陶鎮高家灣鎮縣東北有韓村鎮蔡園鎮縣北有楊二莊鎮距海五十里

無棣鎮 在慶雲縣東即故無棣縣也又分水鎮在縣西南十二里

海防營 在天津縣東六十里其地名葛沽明萬曆二十五年設副總兵駐防於此為海口重地又東有大沽營在海口

傅家營 在鹽山縣南五十里接山東樂陵縣境舊置戍守

板達營 在慶雲縣東二十里明宣宗征高煦時駐蹕於此

冶劍營 在慶雲縣東北十五里俗呼鐵匠營相

傳元海運時冶鐵處

河平砦 在天津縣東北方輿紀要即小直沽口也宋初置泥姑砦於此屬滄州政和二年改曰河平

堅固砦 在青縣南唐書太和二年易定節度使柳公清討李同捷拔其堅固砦

釣臺砦 在青縣北六里宋置戍守於此又有獨流北獨流東二砦以濱獨流河而名今縣西北十八

里有獨流鋪即二砦故址也

海青砦 在清縣東宋置巷姑砦屬滄州政和

二年改曰海清今廢

小南河砦 在靜海縣東北八十里宋初置屬滄
州今謠為小南湖

三河砦 在靜海縣東宋置三女砦政和二年改
曰三河今廢

舊縣集 在滄州南一百二十里即饒安故縣也


又舊滄州集在州東南

竈兒坡

在滄州東北百里居民於此煮鹽故名

馬落坡

在滄州東北二十里元時置巡司於此



畿輔通志卷四十